

21 september. Vidi boni Imp. [h. e. Friderici III, Austriae Ducis] monumentum Viennae ad. S. Stephanum.

‡. Sis memor praesentiae et protectionis DEI. Hoc n: die cum, ad celebrandas carissimae filiae meae nuptias, in Rugiam profecturus, Rostochio discederem, inter pagos Finckenthal et Røuershagen, duo lasciuentes equi, trahentes eum currum, quo tres liberi mei, Dorothea filia, et Fridericus et Nicolaus, post matrem et sponsam vehebantur, habenis ex manib: Aurigae excussis, concitatissimo cursu soluti procedebant. Liberi isti mei, in maximo isto vitae et valetudinis discrimine, Arnaldo Bulonio, et puero meo Christophoro Dücaro, equos istos demum sistentib., mirabiliter seruati sunt. Anno etc. 79. [Senare tillagt:] Error in scribendo commissus est fuit n: ea dies 26. huius.

22 september. Hoc die dux Georgius Megalburgensis fudit Magdeburgensium copias, et circiter 2000 ciuium, et rusticorum interfecit. anno 1550.

29 september. Discessi ex schola Bauarica in Italiam, cum duob. comitib. Ratisbonensibus, Anno. 1553.

Hoc die, Anno etc. 79 in nomine DOMINI et protectione sanctorum Angelorum, cum vxore et omnibus liberis meis, Sundio traiecimus in Rügiam, et venimus eo vesperi Bergas, ad Hinricum Normannum eius Ducatus Praefectum, futurum Generum meum.

1 oktober. Anno etc. 85 emigrauit ex hac vita, Illustriss. ac optima, Princeps Domina Anna, vxor Ducis Augusti Saxoniae Electoris etc. Soror Seroenissimi Regis nostri.

Anno 86. eodem die Kalend. Octobris, vita functus est Illustrissimus et Magnanimus Princeps, Dux Adolphus Holsa[tiæ].

6 oktober. Hoc die ♂. quod auspdatum, foelix, et faustum sit, tam pro optima filia et exoptatissimo genero: quam pro vtraque, Normannorum ac Paselicorum familia celebrantur, mediocri cum solennitate, Bergis in Rugia, nuptiae filiae meae Catharinae. Anno 79.

7 oktober. ☩+. In nuptijs filiae meae Catharinae, quas tam Seroenissimi et optimi Daniae et Noruegiae Regis etc. Domini mei clementissimi, quam Illustrissimorum Principum, ac Principissarum etc. Pomeraniae, ac Megalburgensium, Legati etc. cum nonnullarum ciuitatum et Academiæ Deputatis, honorificentissima praesentia sua, condecorarunt: munera aurea et argentea, sat magno numero et valore, Bergis in refectorio monialium, publicè, cum solennib. orationib. offeruntur. Anno 1579.

11 oktober. Hoc die Berga discessimus, et deduxi carissimam filiam meam, in nomine DOMINI, ad nouum Maritum Hinricum Normannum in praedium ipsius auitum, Dubnitze, in Jasmunde situm.

14 oktober. N. B. Anno 86. ☩+ piè et placidè moritur Illustrissima et Opt. Princeps, Domina Elizabetha etc. Ducissa Megapolensis, Amita et Socrus, Serænissimi Regis Domini nostri clementissimi, Coniunx Illustrissimi Principis Domini Ducis Vlrici etc. in curia Gietzærensi: quo, ipsa Regia Maiestas cum Seroenissima Regina, hospites istos exoptatissimos, in Ducatum Megapolensem

redituros, peramanter deduxerant: vltra tres integras Septimanas, aduersa tempestate, eo in loco, non certè sat commodo, non minus, quam per affectam, laudatissimæ istius Principis, valetudinem, detenti.

16 oktober. Hoc die Anno etc. 79 post nuptias filiæ meæ Catharinæ in Rugia celebratos, fui Wolgastiæ, apud Illustrissimum et optimum Principem nostrum, Dominum Ducem Ernestum Ludouicum etc. Inde, clementissimè tractatus et aurea cathena donatus, postridie discessi.

18 oktober. Veni Venetias, emporium in toto orbe terrarum celeberrimum. Anno 1553.

19 oktober. Nascitur Dargemerus Pasewalck H. 10. post merid. M. 10. Anno 1551. Rostochij.

22 oktober. Veni Patauium. Anno ut ä:

24 oktober. Hoc die, inter horam XI. et XII. in meridie. Anno 1575. mortuus est Friderichspurgi d. Palatij Regij Magister, Petrus Oxe de Gijssselfeldt.

27 oktober. Anno 1575. moritur Hafniæ, dulcissima et elegantissima puella, filia mea, Anna Paselckes, cum ageret octauum ætatis annum.

28 oktober. Veni Ferrariam, Anno peregrinationis meæ.

Anno 1564. secundo fui in negocijs Regiæ Daniæ Maiestatis, Viennæ in Austria, in aula Imp. Romani, vbi me hoc die audiuit sacratissimus Rom. Imp. Maximilianus secundus, negocia et mandata Domini mei clementissimi proponentem. Collegam in ea legatione habui nobilem et optimum virum, D. Georgium Rosencrantzs. Regni Daniæ Senatorem.

Anno 1573. Die 28. huius, celebrantur nuptiæ Illustrissimi Principis Domini Christofori Ducis Megalburgensis etc. et Dominæ Dorotheæ filiæ Friderici primi Daniæ etc. Regis, Ducissæ Slesuuici Holsatiæ etc. Coldingæ, cum eodem tempore ibi baptizata esset, filia primogenita Serænissimi Regis nostri, Princeps ELIZABETA.

1 november. Caspar Pasellick¹⁾ nascitur, Anno 1530. H. 3. M. 30. post merid. Rostochij.

Hoc die, cum compleuissem annum ætatis meæ vigesimum tertium, veni in academiam Bononiensem, quam rectissimè, et verissimè matrem studiorum, vocamus, De qua iuste dicitur: Bononia docet. Bononia facit optimos Doctores. etc. Tu cogites, d. D. Mariano Soccino Nepoti, clarissimo in tota Europa Icto, et ipsius Posteritati, te memoria summorum beneficiorum, in perpetuum deuinctum esse.

6 november. ☽²⁾ Hoc die Anno 1564. celebrantur nuptiæ clariss. viri domini Ioachimi Rajmari I. V. Licentiati et honestissimæ virginis Ilsæ Frijsiæ sororis cariss. vxoris meæ.

21 november. Florentia, la bella.

¹⁾ ändrat från Pasewalck.

²⁾ Ändrat från ♃.